

نسخه سی ۴۰ پاره در .

ابونه سی : بر ستهك اعتباريله ممالك
عنايه ايچون ۴۰ آلتی آیلغی ۲۵ غروش
ومالك اجنبیه ايچون اون ايکي فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

جريدہ صوفیہ

شیمدیلاک هفته ده بر نشر اولنور .

امور اداره وتحریریه واعلانات وسائر
ایچون مدیر مسئوله مراجعت ایدلایدر .

عرفای امتك مقالات متصوفانه لایه
جریده صوفیه نك صحیفه لری آچیتدر .
درج ایدلیان اوراق اتاده ایدلر .

تصوفی ، دینی ، اخلاقی ، سیاسی جریده اسلامیه در .

سایه کیر سکه پیر طریق اول ای | رشید |
سایه پیرای عنایتدر کلام مولوی
اسبق بروسه والیدی : رشید

حمد لله دستگیرمدر جناب مولوی
بندگانه عین نعمتدر کلام مولوی

مولوی عشق وشوق الله ایله ایله سماع
حب فی الله اشارتدر کلام مولوی
روح مولانادن استمداد ایدن سالکرم
اوله بر تاج شرافتدر کلام مولوی

عون حقه سکه کیدم ، بنده اولدم حضرت
باشده اقراره دلالتدر کلام مولوی
کیم کیرسه نائل آمال اولور دارینده
رهنمای نیل حاجتدر کلام مولوی

قرهجه صو مال مدیری
حسین عونی

اوله غافل، واقف اول معنای قدسیاته
ناشر نور هدایتدر کلام مولوی

سرمدی بر بنده نائل اولانر سکه پوش
باعث فوز وسلامتدر کلام مولوی
سرنکون اول پیش علویت نثارنده آنک
مطالع شمس فضیلتدر کلام مولوی
خامم اولماز مقتدر وصف علوشانه
اول قدر شایان حرمتدر کلام مولوی

دیون عمومیه دن واجد نظمی

انکشاف قاب وراحت آنده در هیچ شبه یوق
تحفه یکنای محبتدر کلام مولوی

اهل عرفاندر طریقت عاشقی درویشلر
عین معنای حقیقتدر کلام مولوی
مستردر آنده اسرار شؤن کائنات
انجلاکاه سعادتدر کلام مولوی
مطلقا کشف لدن ایله کین اول سکینی
منبع معنای حکمتدر کلام مولوی

مسلك اعلای وحدتدر بومسلك بیلش اول
دافع آلام وظلمتدر کلام مولوی
انتشار ایتمش طورور فوقنده بر نورالازل
محض معنای کرامتدر کلام مولوی
محترمدر سایه بخش فرق صوفی اولمش او
معنوی بر تیغ صولتدر کلام مولوی

خاک باین توتیا ایت نور باش چشمکه
احتفاکاه محبتدر کلام مولوی

چنکل کویندن: افغانی شیخزاده محمد نورالدین
قطعه

ای قاره !
بالتان حربی مناسبتیه

طالع معکوس حربی بشقه برشی ظن ایله
خالفک بزلر ایچون تقدیر اولمش قهری وار
لطف حقندن قطع امید ایتیوب فردایه باق
هر شینک چونکه نهایت بر صباح الحیری وار

صومہ تحصیل ناموری م : حفظی

منشور عالیشان صورتی

باب فتوی دائرة مشیخت اسلامیة تحریرات قلمی
عدد ۲۱۳

بوسنه علماسندن فضیلتلو چاوشووی حاجی محمد جمال الدین افندی
بوسنه وهرسک قطعه لرنده کی جماعت اسلامیة نك امور دینیه
ومعاملات شرعیه لرلیله اوقاف ومعارفه متعلق خصوصیات متنوعه نك
محور لایقنده حسن اداره واجراسی حقنده مؤسس اولان نظامنامه
احکامنه توفیقا وكلا وامنانی مات طرفندن منتخب هیئت علمییه
جانبندن، منحل بولنان ریاست علما منصب رفیعنه انتخاب اولندیكزه
وحشمتلو اوستریا و مجارستان ایمپراطوری حضرتلرینك اراده
حشمتانه لرلیله تقرر ایندیکی دولت مشارالیه سفارتنك تقریری
وخارجیه نظارت جلیله سنك تذکره سیله اشعار اولندیغنه واقتدار
واهایتکزه مبنی ذکر اولنسان ریاست علما منصب رفیعی عهده کزه
تفویض اولمشدر. حرر فی الیوم الثامن من صفر الحیر لسنة اثنتین وثلثین
وثائمانه والف کتبه الفقیر الیه تعالی: محمد اسعد، عفی عنه.

مقام مشیختك مهم بر تشبثی

حقایق جلیله اسلامیة نك نشر واعمیمی ضمنتده وسائل لازمه
توسل ایدلمش اولدیغندن دین مبین اسلامك خدمات مخصوصه سنی
اینا ایله مباهی بولنان اوقاف هایون نظارتنك بوخصوصه کی خدمته ده
اشتراکی لازمه دن اوله رق شو امر خیر ایچون وقوع بوله جق معاونت
نقدیه نك حصول امنیه یه بك مهم تأثیری اوله جغندن کیفیتك اهمیت
وعلویتیله متناسب درجه ده معاونت اجراسی خصوصی مقام مشیخت
علیادن نظارت مشارالیه اشعار اولمشدر.

تصحیح

بونسخه مزده کی | فقهی سلاطین | نام مقاله نك نهایتلرنده
| تهزیر نواقیس | اوله جق ایکن مرتب طرفندن سهواً | نواقص |
دیزلمکه خطای واقع تصحیح اولنور .

مدیر مسئول: حسن کاظم

نجم استقبال مطبعه سی